

Biso Basi Tomoni Yesu



MATEYA 2 YA PASIKA PO NA BANA

Le Projet "Mwinda"

Ministères pour Chaque Enfant



ecmafrica@ecmafrica.org

L17 BISO BASI TOMONI YESU, MATEYA 2 YA PASIKA PO NA BANA
(Mutu) Ekomami na Mama Lorella ya M.C.E

BISO BASI TOMONI YESU-MATEYA 2 YA PASIKA

(Basi oyo bamonaka Yesu na sima ya liwa na sekwa na Ye)

Mateya oyo ekomami na Biblia : Matai 28 :1-10 ; Marko 16 :1-11 ; Luka
24 :10 ; Yoane 20 :1-18

Tina ya eteni ya Mateya oyo :

Na Mateya oyo, bana bakoyekola ete, na sima ya liwa na kosekwa na Ye,
Yesu ami, onisaki liboso epayi ya basi. Oyo ezali kolakisa ete basi pe bazali
na posa ya kopesa sango ya Yesu Klisto.

Ebongo bana basi bakopona kopanza sango ya Yesu, pe bana nionso
bakobongisa mitema tin kino bakobala, esengeli ba bala mukristo ya solo.

Banzembo oyo ekozala elongo na mateya oyo :

(Nionso na Mokanda « Banzembo ye Ecodim ya M.C.E)

Yesu asekwi

Yesu Klisto asekwi

Lobi, Lelo, Libela na Libela

Na ndimela Biblia

Mwana Nzambe Asili kokoma Awa, Vs 2

Mikapo ya koyekola pona eteni oyo ya ba Mateya : Matai 28 :5-7

5 Anjelu alobelaka basi ete : « Bo banga te, po na yebi ete bozali koluka
Yesu oyo babakaka na kuruze

6 Azali awa te ! Asi asekwi ndenge alobaki

7 Bo kende noki koyebisa bayekoli na Ye ete : ‘Nzambe’ asekwisi Ye na
liwa ndenge alobaki. Boya kotala esika nzoto na ye ezalaki

Eteni oyo na mukuse :

Mateya 1 : Maria Magdala moto ya liboso amonaki Yesu sima kosekwa na Ye. Yoane 20 :1-18.

Mateya 2 : Ba anjelu bayebisaki Maria ya Magdala, Maria maman na Yesu, ti Saloma ete Yesu asekwi, ete bakende koloba na bayekoli na Ye Yesu asekwi. Matai 28 :1-10 ; Marko 16 :1-11 ; Luka 24 :10

MATEYA 1 NA BOLAYI

Maria Magdala mutu ya liboso na komona Yesu sima ya kosekwa na Ye

Liteya oyo ekomami na Biblia : Yoane 20 :1-18

Tina ya Liteya : Tala tina ya eteni oyo ya Mateya

Mikapo ya koyekola po na eteni ya Mateya : Matai 28 :5-7. Tala ebandeli po na eteni oyo ya mateya.

Banzembo : Tala banzembo oyo etali mateya oyo

Ebandeli ya liteya :

Bayekoli 12 ya Yesu aponaka bazalaka bango nioso mibali. Oyo elingi koloba ete mosala ya kopanza sango ya Yesu ezali kaka po na mibali ?

Basi pe bazalaka kolanda Yesu, pe basi mosusu bazalaka kosalisa Ye na mosala na Ye. Sikoyo, to lingi komona basi na tango Yesu asekwi. To banda na mokanda ya Yoane, mokapo 20.

Mateya ya motuya ya liteya oyo na biteni 5 :

- 1. Maria Magdala mutu ya liboso ayaka na lilita ya Yesu sima ya liwa na Ye. Amonaka ete balongoli libanga oyo bazipaka ekuke ya lilita, ebongo akendaka koyebisa Petelo na Yoane.**

1.A. Botangi Yoane 20 :1-2

1 Na mokolo ya lomingo na tongo-tongo mpenza, butu naino esilaki te, Maria ya Magdala ayaka na lilita, amonaka ete libanga oyo bazipaka na ekuke ya lilita, balongoli yango.

2 Akendaka mbangu epai ya Simoni Petelo na epai ya moyekoli mosusu ya Yesu abandaka kolinga. Ayebisaka bango ete : « Balongoli Mokonzi Yesu na lilita, ebongo toyebi te soki bakeyi na nzoto na Ye wapi ! »

1.B.Tuna bana boye :

- Na sima liwa ya Yesu, nani akendaka liboso na lilita na Ye ? (Maria ya Magdala mutu akendaka liboso na lomingo na tongo-tongo mpenza, liboso butu esila)
- Maria amonaka nini liboso ? (Libanga monene oyo bazipaka na ekuke ya lilita, balongoli yango)
- Akendaka koyebisa nani lobso ? (Koyebisa Simoni Piere na « moyekoli oyo Yesu abandaka kolinga ». Batu ebele bayebi Biblia, balibi ete Yoane azalaka moyekoli oyo akomaka mokanda oyo, kasi alingaka koloba kombo na ye te).
- Maria alobelaka Piere nini ? (Balongoli nzoto ya Yesu, toyebi te soki batié yango wapi)

1C. Koloba nini esalemi :

Bana nioso elongo basala lokola bakomi na lilita (ba tambola kaka esika bazali). Ya mibale, batala ete libanga ezali lisusu kozipa lilita te. Ya misatu, bakima lisusu mbangu (kaka na esika bazali). Ya minei, ba yebisa Piere nini esalemi.

1D. Kobina na koyemba

Maria akomaka libos na lilita

2. Piere na Yoane bayaka, ebongo b amonaka lilita polele.

2.A. Botangi : Yoane 20 : 3-10

3 Piere na moyekoli mosusu bakei na malita.

4 Bango mibale bazalaki kokima mbangu, kasi moyekoli mosusu alekaki Piere na mbangu, pe akomaki na malita liboso.

5 Agumbami, amoni bobele bilamba ya mike oyo balingaki nzoto ya Yesu ezali wana ne se,

6 Simoni Piere akomaki na sima na ye pe akoti na libulu. Amoni bilamba ya mike wana ezalaki na se.

7 Na kitambala oyo bazipaki Yesu na motu. Kitambala ezalaki esika moko na bilmaba ya mike ya pembe te, kasi ezalaki ya kolingama esika mosusu.

8 Bongo moyekoli mosusu oyo akomaki na malita liboso, ye pe akoti, amoni pe andimi na motema.

9 Tii tango wana bayekoli bayebaki nanu te tina ya makambo oyo ekomama na Mikanda ete Yesu akosekwa.

10 Bongo bayekoli mibale wana bazongaki epayi na bango.

2.B. Tuna bana boye :

- Soki bozali koyeba lisusu été « moyekoli oyo mosusu » azalaka nani ? (Yoane, mutu akomaka mokanda oyo)

- Na kati ya Piere na Yoane, nani akomaki na lilita liboso ? (Yoane akomaki liboso)

- Tango Piere ayaka, akotaka na kati ya lilita, atalaka nini ? (Batalaka bilamba ya pembe na se, na kitambala oyo bazipaka Yesu na motu epayi mosusu yango moko)

- Na sima, Yoane pe akotaka pe amonaka bilamba wana. Nini ezalaka eyano na ye po na makambo wana ? (Andimaka na motema)

- Atako bamonaka makambo oyo na kondima ete Yesu asekwi, tii na tango wana, nini bayebaka te ? (Bayebaka te ete oyo nioso ezali maloba ya Nzambe oyo ekomama na Mokanda ya Nzambe été ekosalama bongo)

2.C. Koloba nini esalemi :

Bana mibali mibale bakoki kosala théâtre lokola Yoane na Piere.

2.D. KObina pe koyemba :

Yoane na Piere bamonaka

Lilita polele

Ebongo bandimaka na motema

Yesu asekw

3. Maria atikali libanda, kolela. Ebongo amonaka ba Anjelu mibale na kati ya lilita.

3.A. Botangi : Yoane 20 :11-13

11 Maria atikalaki kotelema penepen ya lilita, azalaki kolela. Awa azalaki kolela boye, agumbami po na kotala na kati ya libulu (lilita).

12 Amonaka na Anjelu mibale balati bilamba ya pembe, bafandi esika nzoto ya Yesu ezalaki, moko epayi motu ezalaki, mosusu epayi makolo ezalaki.

13 Bongo ba Anjelu batuni ye : « Mama, pona nini ozali kolela ? » Ye azongiseli bango : « Balongoli Mokonzi na ngai, pe na ye bi te soki batie wapi »

3.B. Tuna bana boye :

- Maria azongaka na lilita. Azalaka wapi ? (Pembeni na yango, libanda)

- Azalaka kosala nini ? (Abandaka kolela)

- Tango agumbamaka kotala na kati ya libulu (lilita), amonaka nani ? (Amonaka ba Anjelu mibale na bilamba ya pembe)

- Ba Anjelu wana bazalaka kovanda wapi ? (Esika Yesu azalaka kolala – moko na motu na Ye, pe moko na se ya makolo na Ye)

- Ba Anjelu ba tunaka Maria nini ? (Po na nini azali kolela)

- Maria ayanolaki nini ? (Balongoli Mokonzi na ngai, pe na ye bi esika batié te)

- Tango wana, azalaka kokanisa likambo nini esalemi ? (Azalaka kokanisa ete mutu atie nzoto (ebembe) ya Yesu na esika oyo ye ayebi te).

3.C. Koloba nini esalemi :

Bana basi nioso balela lokola Maria. Bagumbama, ba tala na kati ya lilita (libulu). Bana mibali mibale bavanda na esika lokola Yesu alalaka. Batuna

Maria (bana basi) po na nini bazali kolela. Bana basi ba pesa bango eyano.

3.D. Yemba pe bina :

Maria azalaka kolela

Amonaka ba Anjelu mibale

4. Maria azongisaka ete amonaka Yesu ya kotelema kuna.

4.A. Botangi : Yoane 20 :14-16

14 Awa alobi boye, abaluki pe amoni Yesu ateleme wana, kasi Maria ayebaki ye te.

15 Yesu atuni ye : « Mama, po na nini ozali kolela ? Ozali koluka nani ? Maria akanisaki été ye ezali mosali ya elanga, pe alobi na ye : « Tata, soki yo mutu olongoli ye, yebisa ngai soki otie ye wapi, po nakende kokamata ye ».

16 Yesu alobi na ye : « Maria ! » Maria abaluki epayi na ye, alobi na monoko ya Bayuda : « Rabuni ! » (elingi koloba « Moteyi ».

4.B. Tuna bana boye :

- Tango Maria abalukaka, amonaka nani ? (Amonaka Yesu)
- Po na nini ozo kanisa ete Maria ayebaka Ye te ? (Tango mosusu po miso na ye etondaka na mayi na miso)
- Yesu atunaka ye nini ? (Po na nini ozali kolela ? Motuna moko oyo ba Anjelu batunaka ye)
- Maria akanisaka ete Yesu azalaka nani ? (Mutu ya mosala ya bilanga)
- Tango nini Maria ayebaka ete ezalaki Yesu ? (Tango Yesu alobaka kombo na ye, « Maria »)
- Eyano ya Maria ezalaka nini ? (Rabuni to moteyi !)

4.C. Koloba nini esalemi :

Bana mibale, moko ya mwasi, mosusu ya mobali, basala lokola Yesu na Maria. Koloba nini esalemi na eteni oyo ya lisolo

4.D. Koyemba na kobina :

Maria amonaka Yesu

Na miso na ye

Ya solo Yesu asekwi

Amonaki Ye !

5. Yesu ayebisaka ye été ayebisa bayekoli asekwi tii kina akozonga epayi ya Tata Nzambe

5.A. Botangi : Yoane 20/17-18

17 Yesu azongiseli ye : « Tika ngai na kende, pamba te nanu nabuti epayi ya Tata te. Kasi kende koloba na bandeko na ngai ete : na kobuta epayi ya Tata na ngai oyo azali pe Tata na bino, epayi ya Nzambe na ngai oyo azali pe Nzambe na bino ».

18 Bongo Maria ya Magdala akeyi epayi ya bayekoli, alobi na bango : « Nasi na moni Mokonzi ! » Pe ayebisi bango makambo oyo Yesu alobaki na ye.

5.B. Kotuna bana boye :

- Maria alingaka kosala nini ? (Kosimba Yesu kaka)
- Nini Yesu ayebisaka ye Ye Yesu asengeli kosala lisusu ? (Ko buta epayi ya Tata)
- Mosala nini Yesu apesaka Maria ? (Kokende epayi ya bandeko ya Yesu, koyebisa bango ete Abuti epayi ya Tata)
- Nini Maria akendeki koyebisa epayi ya bayekoli ? (Na moni Mokonzi Yesu)
- Bandimaki na lompango maloba ya Maria ? (Te. Kasi ezalaka ya solo).

5.C. Koloba nini esalemi :

Bana nioso baloba lokola Yesu alobaka na Maria : « Kende koyebisa ba ndeko na Ngai ! »

5.D. Koyemba na kobina :

Yesu ayebisaka Maria aloba ete

Asekwi

Ye mutu ya liboso

Ya koloba Asekwi !

Kosolisa liteya :

Na ebandeli ya liteya oyo, totunaki soki kopanza sango ya Yesu ezali kaka po na mibali te, pe ba koki kosala yango. Sikoyo, tomoni ete mutu ya liboso amonaka Yesu na bomoyi na sima ya liwa na Ye ezalaki mwasi, Maria Magdala. Yesu apesaka ye pe mosala ya kokende koyebisa batu mosusu ete Asekwi. Mosala ya kopanza sango ya Yesu ezali po na biso ba klisto nionso !

Mosala po na ba klisto :

Bino baye bzali ba klisto, mosala ya ko panza sango malamumu ezali po na bin ope. Yango wana na lingi na pesa bino mosala oyo : Sambela Nzambe alakisa yo mutu moko oyo azali na posa ya sango malamumu, ebongo kende koteya bango sango malamumu kaka na moko oyo.

Na poso ekoya, na kotuna soki asali yango.

Bino mibali, soki okoli, mokolo moko okobala. Ezali motuya mingi ete ata sikoyo, akati motema, esengeli obala kaka mwasi oyo Yesu alingi. Ndenge wana, bokokoka kosalela Nzambe na esika moko. Okondima bongo sikoyo ? Sikoyo yebisa Yesu (Moteyi, zwa tango ya kobondela po na makambo oyo).

Kobenga bana ya Yesu :

Na lobi makambo oyo na bana oyo bayebi Yesu. Kasi tango mosusu, ata oye na Ecodim, ya solo nainu oyebi Yesu te. Azali kozela yo obenga kombo na Ye po Akoki kobikisa yo. Soki okoyamba Ye lelo ? Kaka yebisa Ye na motema moko ete po Akota na motema pe na bomoyi na yo sikoyo. Soki osambeli bongo, yaka na sima ya Ecodim, pe yebisa ngai po na sepela elongo na yo.

LITEYA 2. BA ANJELU BAYEBISI BASI MISATU ETE YESU ASEKWI, PE BA PESI BANGO MOSALA YA KOKENDE KOYEBISA BAYEKOLI NA YE

Liteya oyo ekomami na Biblia : Matie 28 :1-10, Marko 16 :1-11, Luka 24 :10

Tina ya liteya : Tala tina po na Eteni oyo ya mateya.

Baverse ya koyekola po na Eteni oyo ya mateya : Matie 28 :5-7. Tala ebandeli ya mateya oyo mibale.

Banzembo : Tala Banzembo ya mateya oyo.

Kolanda mosala ya poso eleki :

Nani akoki koyebisa biso masala oyo to pesaki na poso eleki ? (Moteyi, atika mwa tango po bana ba pesa eyano).

Ee, to yebisaki bino ete bobondela Ye po Alakisa yo mutu, ebongo olakisa ye sango ya Yesu. Nani asalaki yango ? Nzambe Alakisaki nani ? Ndenge nini oteyaki ye sango ya Yesu ? Nini ezalaki suka ya makambo wana ?

Biso pe toyebisaki bino bana mibali bolapa ndayi ete soki okoli, tango okobala, okobala kaka moklisto, mutu mosusu te. Nani alapaki motindo wana ? (Moteyi asambela Nzambe po bana bakanisa lisusu pe balanda ndenge balapi).

Ebandeli ya liteya

Tomoni ete Yesu ayebisaka Maria ya Magdala akende koyebisa bayekoli pe bandeko na ye ete Asekwi pe Amati epayi ya Tata na Ye. Ezalaka kaka mwasi mutu azwaka mosala wana ? Te ? Sikoyo tokomona basi misatu oyo bazwaka mosala ya kopanza sango ya Yesu. Sikoyo tokotanga na

Mokanda ya Matie mokapo 28. Tokobakisa pe ndambu ya bolayi oyo ekomami na Marko pe na Luka.

Makambo ya motuya ya liteya oyo na eteni 6

1. **Tango basi mibale bazalaka na nzela ya boyei ne malita, anjelu akitaka na likolo pe alongolaka libanga oyo ebandaka kozipa ekuke ya lilita.**

1.A. Kotanga Matié 28 :1-3

1 Na sima mokolo ya kopema, na mokolo ya yenga na tongo-tongo, Maria ya Magdala na Maria oyo mosusu bakendaka kotala lilita.

(N.B : Marko 16 :1 abakisi ete ezalaka Maria ya Magdala, Maria mama ya Jake (Yakobo), pe Salome. Abakisi pe ete basombaka malasi po bakende kopakola na ebembe ya Yesu. Abakisi lisusu ndenge bazalaka kosolola na nzela ete « Nani akolongolela biso libanga bazipelaki libulu ? »)

(N.B : Luka 24 :10 Atangi kombo ya Salome te kasi ya Yoane. Ekoki kozala ete kombo na ye ezalaka Salome Yoane to Yoane Salome, to kombo ezalaka Salome, kasi batu bazalaka kobenga ye Yoane).

2 Noki, mabele eninganaka makasi, anjelu moko ya Mokonzi Nzambe awutaka na likolo, akitaka, alongolaka libanga oyo bazipaka na libulu, ebongo avandaka likolo ya libanga.

3 Azalaka komonana lokola kake, bilamba na ye pe ezalaka pembe penza,

1.B. tuna bana boye :

- Basi nini bakendaka na lilita ya Yesu na tongo-tongo ? (Maria ya Magdala, Maria mama ya Jake na Salome)
- Bango nionso bazalaka boni ? (Misatu)
- Basombaka malasi po na nini ? (Bapokola ebembe ya Yesu)
- Babandaka kosolola nini na nzela ? (Nani akolongolela bango libanga oyo bazipelaka libulu)

- Liboso bakoma na lilita, nini esalamaka ? (Mabele eninganaka pe Nzambe atindaka anjelu ya likolo alongola libanga oyo bazipaka libulu)

1.C. Koloba nini esalemi :

Basi nionso basala lokola bazali kotambola mbangu, lokola bazali kosomba malasi, lokola bazali komema yango na maboko, lokola bazali koloba nani akolongola libanga, lokola bazali koya na lilita, ebongo bamoni ekuke ete ezali ya kofongwama.

1.D. Koyemba na kobina :

Basi misatu bakendaka

Na lilita ya Yesu

Bayebaka te nani

Akolongolela bango libanga

Nzambe atindaka anjelu

Alongolaka yango !

2. Tango bamonaka anjelu wana, basoda babangaka, pe bakomaka lokola batu bakufi.

2.A. Kotanga Matie 28 :4

4 Tango basoda bamonaka ye, bayokaka somo pe babandaka kolenga penza, bakomaka lokola bato bakufi.

2.B. Tuna bana boye :

- Basoda oyo babandaka kokengela lilita po mutu ayiba ebembe ya Yesu te, tango bamonaka anjelu wana, basalaka nini ? (Basalaka kolenga na kobanga pe bakweyaka na se lokola bato bakufi)

2.C. Koloba nini esalemi :

Bana mibali nionso basala lokola basoda. Bamonu anjelu na elamba ya pembe, babanda kolenga na kobanga, ebongo ba kweya na mabele lokola mutu akufi ayebi eloko te.

2.D. Koyemba na kobina :

Basoda bamoni anjelu

Pe balenga

Kobanga esali bango

Ekweyisa bango na mabele

Lokola batu bakufi.

3. Anjelu alobaka ete Yesu asekwi pe apesaka bango mosala ya kokende kopanza sango yango.

3.A. Kotanga Matie 28 :5-7

5 Anjelu alobi na basi ; « Bobanga te, nayebi ete bozali koluka Yesu oyo babomaki na kuruze

6 Azali awa te ! Asi asekwi ndenge alobaki. Boya kotala esika nzoto na Ye ezalaki

7 Bokende noki koyebisa bayekoli na ye ete : « Nzambe asekwisi Ye na liwa, ebongo sikoyo, akeyi liboso na bino na Galilea ; bokomona Ye kuna ! Wana ezali sango nayeli bino ».

3.B. Kotuna bana :

- Anjelu alobelaka ba nani ? (Basi oyo bayaka na lilita kopakola ebembe ye Yesu, Maria ya Magdala, Maria mama ya Jake, na Salome)

- Anjelu ayebisaka bango nini po na Yesu ? (Nzambe asekwisi Ye na liwa)

- Anjelu ayebisaka bango ete Yesu akeyi wapi ? (Aleki bango na Galilea, ebongo bakokuta Ye kuna)

3.C. Koloba nin esalemi :

Mwana moko asala lokola anjelu, ayebisa nini anjelu alobelaka basi.

3.D. Koyemba pe kobina :

'Nzambe asekwise Yesu na liwa', anjelu alobaka.

4. Bakendaka noki kopanza sango ya kosekwa ya Yesu.

4.A. Kotanga Matie 28 :8

8 Ebongo balongwaki noki na lilita ; bazalaka na bobangi kasi bazalaka pe na esengo mingi pe. Bakendaka noki po na kopanza sango wana epayi ya bayekoli na Ye.

4.B. Kotuna bana boye :

- Somo nini basi mibale b amonaka na mitema na bango na sima ya koyebisa bango na anjelu ete Nzambe asekwise Yesu na liwa ? (Bazalaka na bobangi na esengo mingi pe)

- Basalaka nini na lombangu ? (Bakendaka kopanza sango wana epayi ya bayekoli na Ye)

4.C. Koloba nin esalemi :

Bana nionso bakima mbangu bakende koyebisa sango ete Yesu asekwie epayi ya bayekoli. (Soki bana bazali ebele, basala ba geste na esika wana kaka lokola bazokende, kasi bakende te)

4.D. Koyemba na kobina :

Basi bakende noki

Kopanza sango ya Yesu

5. Na nzela, Yesu Amimonisaka epayi na bango

5.A. Kotanga Matie 28 :9

9 Na mbala moko, Yesu ayaka kokuta bango ; Alobelaka bango ete : « Mbote na bino ». Basi yango bapusanaka pembeni na Ye, bafukamaka pe basimbaka makolo na Ye.

5.B. Tuna bana boye :

- Nani akutaka bango na nzela ? (Ye moko Yesu mutu akutaka bango)
- Balingaka basala Ye nini ? (Balingaka kosimba makolo na Ye pe kosambela Ye)

5.C. Koloba nini esalemi :

Mwana moko asala lokola azali Yesu. Aloba : « Mbote na bino ». Ebongo bana nionso bameka kosimba makolo na Ye pe basala lokola bazali kosambela Ye.

5.D. Koyemba pe kobina :

Na nzela, Akutaka bango

Bamonaka Ye na bomoi !

6. Yesu pe apesaka bango mosala ya koyebisa batu mosusu**6.A. Kotanga Matie 28 :10****6.B. Tuna bana boye :**

- Yesu ayebisaka bango nini ? (Bobanga te. Bokende koyebisa bandeko na ngai ete bakende na Galilea, ebongo bakokuta Yesu kuna)
- Yesu akokutana na bango wapi ? (Na Galilea)

6.C. koloba nini esalemi :

Bana nionso balanda yo na koloba maloba ya Yesu moko na moko :

Moteyi : Bobanga te (Bana balandi)

Moteyi : Bokende koyebisa bandeko na ngai (Bana balandi)

Moteyi : ete bokende na Galilea (Bana balandi)

Moteyi : boko mona ngai kuna (Bana balandi)

Moteyi : Yesu Alobi yango ! (Bana balandi)

6.D. Yemba pe bina :

Yesu Akokuta bango na Galilea ! (Yemba lisusu mbala na mbala na bolakisaka loboko na Galilea)

Kosilisa liteya

Anjelu ayebisaka basi oyo bapanza sango ya Yesu, pe Yesu Ye moko ayebisaka bango ndenge moko. Asekwi na liwa.

Sango oyo bayebisaki yango bayekoli na Ye liboso, kasi liboso amata olikolo epayi ya Tata na Ye, Alobaka ba panza sango na Ye na batu nions ope na bisika nionso (Misala 1 :8).

Mosala oyo ezali po na basi pe po na mibali. Ezali mosala ya biso ba klisto nionso.

Mosala po na ba klisto

Bino ba klisto, baye bosu boyebi Yesu lokola Mobikisi, nazali kopesa bino mosala lolenge moko na oyo ba anjelu bapesaka, lokola Yesu Ye moko apesaka. Poso oyo, kende koyebisa ndeko moko ete Yesu asekwi. Ete bino nionso bolapa ndayi ete tango ya kobala, okoluka kaka moklisto. Soki familia ezali koluka okobala nani, okoyebisa bango ete, « Boluka kaka moklisto ya malamumu ». Makambo oyo eko sepelisa Yesu.

Kobenga bana batia elikya na Yesu

Na kati na bino, tango mosusu ezali na bana oyo bayebi nainu Yesu te. Tango mosusu oyebi ete azali Mwana Nzambe. Kasi nainu obengi ye te po Alimbisa yo Moklisto. Akufaka po na masumu na yo pe Asekwi na liwa. Akoyamba yo na familia na Ye soki y ope oyambi Ye. Okoki kobenga Ye Abikisi yo. Akoyamba yo sika sikoyo pe okokoma mwana Nzambe. Soki ozali na posa ya lisalisi po na makambo wana, tikala na sima ya Ecodim po tokoka kosalisa yo.

SUKA YA LITEYA 2 PE SUKA YA MATEYA NIONSO 2

N.B : Keba, moteyi !

Sikoyo, osilisi kosalela mateya oyo. Mateya ya sika ezali kozela yo na Centre des matériels, esika odefi mateya oyo. Mangomba mosusu bazali kozela pe po badefa mateya oyo po bakoka kolakisa bana na bango.

Sikoyo, zongisa matériel nionso na sachet pe zongisa nionso na Centre des matériels ya M.C.E

Matondo mingi po na boyokani malamumu na yo !